

Deo opt. max. uni & trino, Virgini Deiparæ, & sancto Lucae orthodoxorum Medicorum Patrono.

(1661) Aug 1361

## QVÆSTIO MEDICA.

Cardinalitiis disputationibus manè discutienda in Scholis Medicorum, die Veneris 2. Aprilis.

M. JOANNE DE BOURGES, Doctore Medico, Præsede.

*An piscium Cartilagineorum esus Phthisicis sit salutaris?*

**P**HTHISIS sive adscititia, sive auctione hæreditaria in prolem migrat, est exulceratio pulmonis cum fibriculâ levi, quâ corpus universum liquecit. Duplicem illa novit causam, unam quæ vitiosa est pulmonis constitutio, sive substantia ejusdem, sed mollis, tenella, atque corruptioni parata, quo nomine confanguinea tabes, vel ad eam vitio conformationis propensio citius adest; alteram vero quæ acris exedensque est à capite distillatio, aut humor acer, qualis autumnò genitus è corde pulmoneadit, aut è venâ apertâ, exesâ, ruptâve exiliens sanguis. Jam enim inflammatus, atque putrescens laxam eorum compagem solvendo pessundat. Sed ex quâcumque causâ tabes erumpat, ea suo subjecto grè mobilis semper, suis se satis prodit signis, terrificis sanè, si capillorum effluvio fæda facies concidat, aut spūta fæctore gravi abominanda sint, dum enim ferit nares, cave à contagio quam *ἀνίστατο* ulcus minatur.

**H**ORRIDULAM totius habitus maciem lenta febris inducit. Hujus cæco igne parenchymata viscerum carpuntur, aliarumque partium carnea moles sine doloris sensu confecta; adeò liquefit, ut cum ægro morbus quasi connatus sit, ille tunc tantum febricitare sibi videatur, cum duabus circiter à passu hinc oculis solitò pulsar arteria. Diceret alimentum ceu rorem incandescens locis, aut velut aquam calidam affulam, sopitos ignes ciere, unde fervor, qui cordi primum, & à corde quoquoque eundem eò citius communicatur, quò viscus, ut est vitæ caput atque principium, parti primariò affectâ propius jungitur. An verò hic ignis extinguendus est? Adnitendum. An humor qui peccat eliminandus? Ne nimis confidas Pharmacis. Ut enim hæc vires tabidorum frangit, sic illum venæ sectione coercere velle nefas. At si vires atterendæ sint, jactura saltem utilitate futurâ compensetur. Monstrum itaque demulcere præstabit, quàm idem apertò Marte adoriri. In id feret omne punctum victus ratio, quæ dum instituitur, tu videris, num ex ranis, testudine nemorali, vitulino pulmone sorbitionibus, vel arfacti pulmonis vulpini pulveri locus superest. Quilibet enim si videbuntur, eæ tamen fidejussoribus non carent, penes quos omnis edicendi potestas esse debet.

**A**LIMENTUM ex viventium genere selectum, è plantis primum, tum verò ex animalibus petitur, sive terrestria sint aut volatilia, sive degant aquis. Horum esus, si quis alter, salubritate cæteris antecellat. Sed pisces se ipsis iterum salubriores. Marini fluviatilibus, hi lacustribus anteposendi. Fluviales Garumæ, Rhodani, Sequanæ, Ligeris alumni, lentè fluentium Araris & Matronæ convictoribus aliis piscibus præstantiores sunt. Sequana igitur semper sanus, pisces etiam alit, qui ut supra urbem, nullis bonitate cedunt, sic infra eandem populosissimam Lutetiam, succi malitiâ à mensis abigendi sunt. Marini triplices sunt generis, sed qui Saxatiles, familiam ducunt, sequuntur Pelagici, tum demum vitiosi semper Littorales. Ex illis duri primas tenent, ex quibus squammatos aliquot, ostrea nimirum quæ boni succi, sed si bene calculum posueris, Cartilagineos potissimum nec abs re probes.

**C**IBUS laudabilis est quisquis boni succi, coctū facilis, ex æquo temperatus, consistentiâ mediocri, nec stomacho gravis, *ἰσχυρότερος*, paucique excrementi, explendæ tum fami tum siti satis est, & nutrit convenienter naturæ. Cartilaginei piscis caro quoniam frigidula, & à sale seu ab origine, vel à sale seu ab arte moderatè sicca est, ea sanè habet in se quiddam eximie dotis desideratur, ut Phthisicorum esca salubris fiat. Volvitur idem ex consueto alimento succus. Is sibi semper similis suffectus, pejor alterius locum subit, sic ut tandem mutatus rerum facie, multum mutatus à seipso videatur, qui jam tibi proximus erat, maxime si lac subsidio venit, ad quod pascua idoneis stirpibus, virgultis-ve caprearum deliciis luxuriat, tum vero aer ad siccitatem leniter inclinans concurrat, qualis Tabiarum ad Neapolim, vel agri Parisiensis ad arcem Vincennarum spectans; quippe qui Oriente Sole nitens & æquabilis, nec boreâ persflatus omnino, in phthisim pro pensis vel jam tabe primum affectis accommodatus est.

**U**L CERIS curandi scopus siccatio est. Hanc in ulcere pulmonum tantò magis interest administrare, quantò magis madenti cerebro subjecti & situ declives, audiunt insuper tanquam sanguisugum viscus, rarum, molle, tenellum, atque adeò excipiendæ labis maxime compos. At piscium caro ut est *ἰσχυρότερος*, & pauci excrementi, superfluum in illis quantumcumque sit, sanguinis serosi copiam castigat. Immo cum è chylosi, quâ carnes piscium liquantur, vix superest quod in locum affectum currat, splendor tandem spirabile organum, atque si quis ardor iniustus, Cartilagineorum opportunâ temperie, illius progressus arceatur, tum verò ascitâ non minus quam nativâ siccitate deterfio atque agglutinatio locum occupant. Sic enim pulmonibus robur sive temperamentum, ac gratia redit, nec non quæ penè hæcebat lateri lethalis arundo, nullius Didami Cretenis ope, sed Cartilagineorum piscium usu dumtaxat, ultro cadit.

*Ergo piscium Cartilagineorum esus Phthisicis salutaris.*

Proponebat Parisiis MICHAEL PICHONNAT, Stampanus, Baccalaureus Medicus, A. R. S. H. 1683.